



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

89. Ab Hugone Leodicensi Episcopo varia iura vrbis Mechliniensis an.
1300. dantur Ioanni I. Brabantiae Duci, vsque ad tertium heredem seu
generationem; ea lege, vt dicta iura à Ioanne Bertoldo ...

urn:nbn:de:hbz:466:1-10903

dum infra Coloniam Agrippinam Rheno adsitum; in quo Cancellaria seu collegium Senatorum residet, qui Iuliacensis & Montensis ditionum incolis ius dicunt: ut in opido Clivensi sedem habet altera Cancellaria, quæ Clivensibus & Marcanis præst.

C A P V T L X X X I X .

*Ab Hugone Leodicensi Episcopo varia iura urbis Mechliniensis an.
1300. dantur Ioanni I. Brabantæ Ducι, usque ad tertium
heredem seu generationem, ea lege, ut dicta iura à
Ioanne Bertoldo violenter occupata
recuperet.*

VNIVERSIS præsentes litteras inspecturis Hugo, Dei gratia Leodiensis Episcopus, æternam in Domino salutem, cum notitia veritatis. Zelus orthodoxæ fidei in eo probatur præcipue

Sanè cùm ad nos & antecessores nostros, ecclesiæ Leodiensis Episcopos, qui ipsam ecclesiam rexerunt pro tempore, plurima & diueria iura ac iurisdictiones in opido Mechlinensi, & in villa de Heiste, & appendicijs earumdem pertinuerint longis temporibus, & adhuc pertinere dignoscantur, quæ usque ad hæc tempora nobilis vir Ioannes Bertout de Mechlinia, & sui progenitores per potentiam suam violenter occuparunt, & adhuc detinent occupata, contra Deum & iustitiam, in dispendium animæ suæ & prædictæ Leodiensis Ecclesiæ non modicam iacturam, consilio freti bonorum & Iurisperitorum, oportunum duximus eate nus nobis brachium inuocare defensionis.

Cùm igitur, quia illustris Princeps dominus IOANNES, Dei gratia Dux Lotharingiæ, Brabantæ & Limburgi, sit fidelis & maior ac poterior inter fideles ecclesiæ nostræ supradictæ, nostrum, inquit, potius ecclesiæ nostræ gerens negotium, de mandato nostro & requisitione debita, prædicta iura & iurisdictiones diu iniuriosè ac violenter occupata, ut est dictum, ad proprietatem ecclesiæ nostræ supradictæ redditat, & reducere laboret suis sumptibus & expensis, nostraque seu ecclesiæ nostræ prædictæ facultates non sufficient ad tanta onera supportanda:

B b

Volentes

Volentes suis laboribus & expensis meritò respondere, cùm nemo teneatur suis stipendijs militare, prædicta iura & iurisdictiones vniuersas & singulas, prout idem Dux reuocauerit, ad ius & proprietatem ecclesiæ nostræ memoratæ, liberè conferimus & donamus, sibi suisque heredibus, usque ad tertium heredem inclusiue, cùm fructibus, prouentibus & aduenticijs quibuscumque:

Promittentes bona fide dicto Duci, quod quam citius poterimus, procurabimus cum esse etiæ super collatione seu donatione prædicta, consensum Capituli dictæ nostræ ecclesiæ, seu confirmationem Apostolicam adhiberi;

Præsertim cùm sacerdotius Dux bene valeat promereri, pro eo, quædam iura & iurisdictiones, de quibus proutidendum est, quod ad possessionem prædictæ nostræ ecclesiæ non venerint, quamvis multi antecessores nostri, pro ipsis recuperandis, grauibus insudauerint laboribus & expensis.

In quorum testimonium & munimentum, sigillum nostrum præsentibus litteris duximus apponendum. Datum anno Domini millesimo trecentesimo, Sabbato post festum B. Lucæ Euangeliæ.

1300.

N O T A T I O.

Stemma Bertautiorum seu Bertoldorum, Mechlinie & Grimbergæ dominorum.

Stemma Bertautiorum hactenus nemo ex fide conscripsit: ego in gratiam nobilissimæ gentis breuiter referam, quæ ex vetustis diplomatis & fide dignis scriptoribus collegi.

WALTERVS de Grimberges, anno millesimo nonagesimo sexto, subscripsit diplomati, quo Ida Boloniensis Comitissa, God. Bullo-nij mater, decimas Genapiæ monasterio Affligemensi dedit: quod to. i. Cod. don. piarum cap. 68. legitur.

Idem monasterium Grimbergense, ad usum Canonicorum secundum regulam B. Augustini viuentium, fundauit ac dotauit, temporibus Odonis Cameracensis Episcopi; & filios tres habuit, Gerardum, Arnulphum & Aluericum: ut ex diplomate Grimbergensi, per Lietardum Episcopum Cameracensem an. 1132, dato, constat, quod in cit. to, cap. 88. inuenies.

Post

Post obitum Walteri, anno scilicet 1128. Gerardus & Arnulfus, eius filij & heredes, dictum monasterium Grimbergense S. Norberto, ord. Præmonstratensis conditori, tradiderunt; qui in eo sui ordinis sodales collocauit, dicto Lietardo Episcopo an. 1132. approbante: ut ex citato cap. 88. constat.

Gerardus sine liberis obiit. Arnulfus seu Arnoldus, cognomen to Dracobarbus, in Syria contra Saracenos militauit, & in celebri illo prælio contra Brabantos, cum Godefridum III. Ducem suum ex arbore in cunis suspenderunt, grauiter læsus, haut multò post obiit. Cuius hodieque tumulus in Grimbergensi monasterio monstratur.

Arnulfus autem filios reliquit, Walterum II. in dicto prælio captum, Gerardum Dracobarbum in eodem prælio cæsum, & Arnoldum, Capellæ & Ittræ dominum, obsidem pro fratre seniore Brabantis datum, atque in illa custodia defunctum.

Walterus II. dimissus ex carcere, S. Bernardo Claræ-Vallis Abbatte apud Brabantos intercedente, in Palæstinam se contulit, & in obsidione Damiatæ obiit; ut Guil. Tyrius narrat. Filios reliquit, Walterum III. Arnoldum dominum de Rumpst, & Gerardum Grimbergæ dominum; à quo postremo Grimbergani gentis Berautiæ Barones stirpem suam traxerunt.

Walterus III. Bertoldus, Mechliniæ dominus, anno millesimo ducentesimo decimo nono viuere desijt, ibidem in primaria S. Rumoldi basilica conditus, in ambitu chori, ex opposito facelli reliquijs eiusdem martyris clari. Liberos reliquit, Walterum IV. & Ægidium Barbatum, dominum de Berlaer.

Walterus IV. Mechliniæ dominus vxorem habuit Margaritam Britannam: quorum posteritatem inuenies apud R.V. Christophorum Butquens in Annalibus genealogicis familie Lindanæ, Antuerpiæ 1626. editis.

Ægidius Barbatus an. 1219. cum vxore sua Terram sanctam visitauit, & filios reliquit, ÆGIDIUM Bertoldum, dominum de Berlaer seu Ballaer, monasterij S. Bernardi ad Scaldim prope Antuerpiam fundatorem, & Ludouicum. Diploma fundationis dicti monasterij exstat to, i. Cod. cap. 90.

2.

3.

4.

5.

B b 2 CAPVT